



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CLXXIV. Bischof Hieronymus von Havelberg belehnt die von Plate mit der
Jnsel Parey, am 16. Dezember 1521.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

vnser vnd vnser herschafften obligen, sachen vnd geschefften, dar Inne wir Ine zw gebrauchen haben vnd wissen, von hawfs aus auff vnser erfurdern getrewlich nach seynem hochsten vnd besten verstantnus vnd vermugen zw ydertzeyth dienen vnd sich gebrauchen lassen, Auch vnser vnd vnser herschafft bestes wissen, frommen, werben vnd schaden warhnen vnd vnsern geheym, den wyr Im vertrauen, Bis In den todth vorschweygen vnd alles das thun, das einem getrewen Mann vnd diener zuthun geburth, Alles getrewlich vnd vngeferlich. Zu vrkunt mit vnserm anhängenden Ingesiegel versiegelt vnd geben zu Colln an der Sprew, Am Suntag nach Vitj vnd Modestj, Cristi geburth tausent Funffhundert, darnach Im ein vnd Zweintzigsten Jare.

Nach dem Churm. Lehnscopialbuche XXXII, 126.

CLXXIV. Bischof Hieronymus von Havelberg belehnt die von Plate mit der Insel Parey, am 16. Dezember 1521.

Wie Hieronymus, von gots gnaden Bischoff zw Havelberg, Bekennen öffentlich zcewgende vor vns vnd vnser nachkommende jn vnd mit vrkunde dieses vnsern offenen briues vor alweme, das wir jn samender Hant haben gelyhen den Wirdigen vnd Edlen vnsern lieben getrewen Ern Joachim, Ern Sebastian, Thumherrn zw Magdeburg, Claws, Caspar, Otto, Baltzar, Georgen vnd Hanse, broder vnd vettern, genant die von Plate, vnd eren liebes lehenserben, Nemlichen den Parey, belegen zwischen der grofsen vnd lütken elbe, mit dem holze, vischereyen, Jagt vnd gerichte vnd vngerichte, hogest vnd lideft, mit allen feinen gerechtigkeiten vnd zwbehörungen, nichts aufsen bescheiden. Vnd sollen genannte Parey mit allen zwbehörungen semplichen geniessen, gebrawchen, als gesamdes manliches lehenes recht vnd gewanheit ist. Och sollen die vorgenannten von Plate den vorgeschriebenen Parey nw furbat allewege mehr, alfe ofte es not sein wirt, von vns vnd vnsern nachkommenden Bischoffen zw Havelberge zw rechten manlehen nemen vnd empfangen, vns auch dauon halten, thun vnd dienen, als manlehns recht vnd gewonheit ist, doch vns vnd eynem jglichen an feinen gerechtigkeiten vnshedelich. Zw Urkunde haben wir etc. Wyftogk, am Montage nach Lucie, Christi vnsern heren gebort jm funffzehnhundertsten vnd ein vnd zehwenzigsten jare.

Nach dem Churm. Lehnscopialbuche des R. G. Rab.-Archivs VIII, 78.

CLXXV. Kurfürst Joachim belehnt Hans von Blumenthal zu Horst, am 21. April 1521.

Wir Joachim, von gots gnaden Marggraue zu Brandenburg vnd Churfurst, Bekennen vnd thun kunt öffentlich mit diesem Briue vor vns, vnser Erben vnd nachkomen Marggrauen,